

## Ким Аллоҳга тақво қилса, унинг йўлини очиб қўяди | Тазкия дарслари (259-дарс)

**ТАЗКИЯ**  
259-ДАРС

Шайх Муҳаммад Содиқ Муҳаммад Юсуф роҳимаҳуллоҳнинг «Тасаввуф ҳақида тасаввур», «Рухий тарбия» 1-2-3-жузи ва «Хислатли ҳикматлар шарҳи» 1-2-3-4-5-жузи китоблари асосида бериб борилади. Мавзуларнинг тўлиқ матни билан танишиш учун китобнинг ўзига мурожаат этиш тавсия этилади.



19:00 / 10.12.2023 1357

هُلِّلَا يَضْرُءَ لَءَمَامُ أَيَبَا نَع  
هُلِّلَا لُؤْسَرُتْ عَمَس : لَأَقُ هُنَع  
مَلَسَوِ هَيْلَعُ هَلِّلَا يَلَص  
عَادُولَا هَجَّحِي فُبُطْخِي  
أُولَصَوِ ، هَلِّلَا أُوْقَّتَا « : لَأَقَف  
مُكْرَهَش أَوْمُؤُصَوِ ، مُكْسَمَخ  
أُوْعِي طَأَوِ ، مُكِلْ أَوْمَأَ ءَاكَز أُوْدَأَوِ

# عَنْ جِ اُولٰٓئِذِ دَتِ، مُكْرِمًا اذ يَذِمُّرَّتْ لَ ا هَاوَرِ. «مُكْرِبَر

Абу Умома розияллоҳу анҳудан ривоят қилинади:

**«Расулуллоҳ соллаллоҳу алайҳи васалламнинг видолашув ҳажида хутба қилиб:**

**«Аллоҳга тақво қилинглар, беш намозингизни ўқинглар, ойингиз рўзасини тутинглар, молларингизнинг закотини беринглар ва ишбошингизга итоат қилинглар, Роббингизнинг жаннатига кирурсизлар», деганларини эшитдим».**

*Термизий ривоят қилган.*

Расулуллоҳ соллаллоҳу алайҳи васаллам умматларига хитоб қилиб, қуйидаги амалларни ихлос билан бажаришни амр қилмоқдалар:

## **1. «Аллоҳга тақво қилинглар».**

Аллоҳга тақво қилиш Унинг амрларини бажо қилиш ва қайтарганларидан қайтиш билан бўлади. Тақвонинг энг аввалги ўринларида ушбу ҳадисда зикр қилинган амаллар туради.

## **2. «Беш намозингизни ўқинглар».**

Яъни фарз қилинган беш вақт намозингизни ўқинглар.

## **3. «Ойингиз рўзасини тутинглар».**

Яъни сизга фарз қилинган Рамазон ойининг рўзасини тутинглар.

#### 4. «Молларингизнинг закотини беринглар».

Ҳар бир турдаги молдан қандай ва қанча закот бериш аниқ, ана шунга қараб, ҳар ким ўзига фарз бўлган закотни берсин.

#### 5. «Ишбошингизга итоат қилинглр».

Яъни шаръий маънода сизга бошлиқ бўлган одамга Аллоҳнинг амрига мувофиқ бўлган ишида итоат қилинглр. Аллоҳга маъсият бўладиган ишда бандага итоат қилиб бўлмайди.

#### 6. «Роббингизнинг жаннатига кирурсизлар».

Демак, инсон жаннатга кириши учун ушбу зикр қилинган нарсаларнинг ҳар бири адо этилиши зарур.

هُلَّيْ رُدُّخُ لِي دِي عَسَّيْ بَأَنْع  
بِي بِن لِي نَع ، هُنَّعُ هَل لِي يَضَر  
مَلَسَّو هِي لَعُ هَل لِي يَلَّص  
ثَالَتْ هَل نَاكُ نَم « : لَأَق  
وَأُ ، تَأَوَّخُ ثَالَتْ وَأُ ، تَأَنَب

نَسْحَافٍ، نَاتُخُأُ وَأِنَاتَنْبَا  
هَلَلَا يَقْتَاو، نُهُتَبُحُص  
هَأَوْر. «نَجْلَا هَلَف، نَهِيْف  
دُوَادُ وَبَأُوِي ذِمْرْتَلَا

Абу Саъид Худрий розияллоху анҳудан ривоят қилинади:

«Набий соллаллоху алайҳи васаллам:

«Кимнинг учта қизи бўлса, ёки учта синглиси бўлса, ёхуд икки қизи ёки икки синглиси бўлса, у уларнинг суҳбатини яхши қилган бўлса ва уларнинг ҳақида Аллоҳга тақво қилган бўлса, унга жаннат берилур», дедилар».

Термизий ва Абу Довуд ривоят қилишган.

هَلَلَا يَضَرُّهُ لَءَ رِيْرُهُ يَبَأُ نَع  
هَلَلَا لُؤْسَرَلِيُس: لَأَقُ هُنَع  
نَعَمَلَسَوِ هِيَلَعُ هَلَلَا يَلَص

رَّحْمَةُ النَّجْلِ اسَّان لِّلْخُدِّيْ اَمْرَتُكَ اُ  
نُّسُحَ وِ، هَلْ لَّا يَ وَقَّتْ « : لَّا قَفِ  
اَمْرَتُكَ اُ نَعَلِيْ سَو ، « قُلُخ لَّا  
: لَّا قَفِ ، رَّان لِّلْخُدِّيْ  
هُ اَوْر . « جَرَفْل اَوْ مَفْل ا  
يَ ذِمَّرْت لَّا

Абу Ҳурайра розияллоҳу анҳудан ривоят қилинади:

**«Расулуллоҳ соллаллоҳу алайҳи васалламдан одамларни кўпроқ жаннатга киритадиган нарса ҳақида сўралди.**

**«Аллоҳга тақво қилиш ва ҳусни хулқ», дедилар.**

**Яна ул зотдан одамларни кўпроқ дўзахга киритадиган нарса ҳақида сўралди.**

**«Оғиз ва фарж», дедилар».**

*Термизий ривоят қилган.*

Аллоҳга тақво қилиш нима эканини ва у билан банда қандай олий даражаларга етишишини ҳаммамиз яхши биламиз.

Банда ўзининг ҳусни хулқи билан ҳам худди Аллоҳга тақво қилиш орқали эришгандек, олий даражаларга эришиши мумкин экан.

Аллоҳга тақво қилишга ҳусни хулқ ҳам қўшилса, қанчалар улуғ иш бўлар эди. Зотан, бу икки нарса ўзаро чамбарчас боғлангандир.

هُلِّلَا يَضَرُّهُ لِرِزْقِ بَأْنَعِ  
لُؤْسَرِ يَلَلِاقٍ: لَأَقُ هُنَعِ  
هُيَلَعُ هَلَلَا يَلَصِ هَلَلَا  
أُمُّ تُيَحِ هَلَلَا قَاتَا: مَلَسَو  
ةِ يَسَلَا عِبْتَاو، تَنْكُ  
قِلَاخَو، أُهُمَّتَ هَنْسَخَلَا  
هُأَوْر. «نَسَحِ قُلُخَبَسَانَلَا  
يِذْمَرْتَلَا

Абу Зарр розияллоҳу анҳудан ривоят қилинади:

«Расулуллоҳ соллаллоҳу алайҳи васаллам менга:

**«Қаерда бўлсанг ҳам, Аллоҳга тақво қил. Ёмонликка яхшиликни эргаштир. Бу уни ўчиради. Одамларга хусни хулқ ила муомала қил», дедилар».**

*Термизий ривоят қилган.*

Шарҳ: Расулуллоҳ соллаллоҳу алайҳи васаллам ўзларининг бу ҳадиси шарифларида лозим тутиш зарур бўлган учта улкан ишнинг биринчиси ўлароқ, тақвони зикр қилмоқдалар:

**«Қаерда бўлсанг ҳам, Аллоҳга тақво қил».**

Банда қай маконда бўлса ҳам, қандай ҳолда бўлса ҳам Аллоҳ таолога тақво қилишни ҳеч қачон тарк этмаслиги лозим.

هُلَلَا يَضْرُهُ لَـةَ زِيْرَهُ يَبَا نَع  
لُوسَرَايَ : لَاقَ الْجَرَّ نَا : هُنَع  
رَفَّسَلَا دِيْرَا يِنَا ، هَلَلَا  
كَيَلَعِ « : لَاقَ ، يِنَصْوَافِ  
رِيْبُكُتَلَاو ، هَلَلَا يَوْقَتِ ب  
يَلَوَّامَلَفِ ، « فَرَشُّ لُكُ يَلَعِ

هُلْ وَطَاءُ مُهَلَّلَا «لَأَقُ، لُجْرَلَا  
رَفَّسَلَا هَيْلَعٌ نَّوَهُو، ضَرَّأَلَا  
يِذْمَرَّتْ لَأُهَآوَرُ».

Абу Хурайра розияллоху анхудан ривоят қилинади:

**«Бир киши:**

**«Эй Аллоҳнинг Расули! Сафар қилмоқчиман, менга насиҳат қилинг», деди.**

**«Аллоҳга тақво қилишни, ҳар баландликда такбир айтишни ўзингга лозим тут», дедилар. Ҳалиги одам ортига қайтганидан кейин яна: «Аллоҳим! Унга ерни яқин қилгин ва сафарни унга осон қилгин», дедилар».**

*Термизий ривоят қилган.*

Тақво ҳақида айтилган гаплардан намуналар:

Умар ибн Хаттоб розияллоху анху Саъд ибн Абу Ваққос розияллоху анхуга юборган аҳдномада жумладан қуйидагилар бор эди:

**«Аммо баъд: албатта, мен сени ва сен билан бўлган жангчиларни ҳар қандай ҳолда ҳам Аллоҳга тақво қилишга чақираман. Албатта, Аллоҳга тақво қилиш душманга қарши афзал тайёргарлик ва урушдаги энг кучли ҳийладир».**



Ибн Асокир раҳматуллоҳи алайҳи Салама ибн Саъид розияллоҳу анҳудан ривоят қилади:

**«Умар ибн Хаттоб розияллоҳу анҳуга мол келди. Абдурраҳмон ибн Авф розияллоҳу анҳу унинг олдига келиб:**

**«Эй мўминларнинг амири! Ушбу молдан бирор қора кун ёки воқе бўладиган иш учун байтулмолда тутиб турсангиз!» деди. Умар унга:**

**«Бу гапни шайтондан бошқа ориз қилмаган. Аллоҳ таоло унинг ҳужжатини менга талқин қилди ва унинг фитнасидан мени сақлади. Келаси йилдан хавфсираб, бу йили Аллоҳга осий бўламанми?!**

**Улар учун Аллоҳнинг тақвосини тайёрлаб қўяман! Аллоҳ таоло: «Ким Аллоҳга тақво қилса, унинг йўлини очиб қўядир. Ва унга ўзи ўйламаган тарафдан ризқ берур», деган. Мендан кейин келадиганга фитна бўлиши учунми?» деди».**

***Руҳий тарбия» китобининг 2-жузи асосида тайёрланди***

Ушбу китоб Ўзбекистон Республикаси Дин ишлари бўйича қўмитанинг 2021 йил 14 апрелдаги 03-07/2439-рақамли хулосаси асосида чоп этилган.